

Duces, & omnes honorum gradus, quos eadem tribuit, & cardinaliciae, (a) quas vocant, purpurae, & regale (b) fastigium. Igitur ex hac gente natus est *Andreas* ipse, simulque sol eum hominem vidit, & patricium, non factum, sed natum, virtutisque splendore a clarissima suae gentis stirpe nunquam discedentem, ex quo magnam sibi gloriae accessionem fecit. Quemadmodum enim qui propria virtute non fulgent, alienae laudis gloriam aucupari, inque se trasferre non debent: ita qui ad majorum gloriam proprias virtutes adiungunt, duplicem mihi promereri laudem videntur; non minus quod nepotes fuerint, quam quod digni nepotes.

Ortus est *Andreas*, fortunato admodum, faustoque siderum concursu, postridie idus februarii anno a Christo nato M. D. LVIII. qui Veneto more numerabatur adhuc M. D. LVII. Patrem habuit *Jacobum*, virum prisca virtute, & fide, & Senatorem amplissimum, qui, multis exantlatis laboribus, publicisque muneribus summa cum laude perfunctus, Reipublicae *Consiliarius*, qui inter summos honores habetur, renunciatus fuerat: avum *Andream*, qui virtutibus universis, pietate praecipue, atque innocentia inter omnes eminens, Cretae, ubi Reipublicae nomine, summo cum imperio praefectum agebat, cum ingenti regni totius dolore, atque lacrimis, biennio post *Andream* nepotem natum diem obiit, atque caelum, unde prius venerat, veluti iure postliminii, revisit. Mater vero fuit *Caecilia*, *Pauli Cornelii* filia, divi Marci Procuratoris, quae dignitas, secundum Principem, primum obtinet in Republica locum: sicuti *Cornelius* gens amplissima, atque nobilissima, (c) praeter Reipublicae Ducem, innumerabilesque Senatores, omnes continuos annos in supremis dignitatibus egregie versatos, (d) quamplurimos etiam tulit purpuratos Ecclesiae Pa-

b

tres;

tem antiquissimam, & Reipublicae coevam maxime illustrarunt. Singulos enumerare immensi prope operis esset. Quos tres in Republica Duces memorat *Crassus*, fuisse *Dominicus*, anno 1148. ad principatum evehitus; *Marinus*, 1249. *Michael*, 1382. Postremis hisce temporibus eandem dignitatem consecutus est *Franciscus*, qui *Peloponnesiacus* ob *Peloponnesum* domitam distus est. Tertium supremo rei maritimae praefecto, anno 1688. Reipublicae principatus delatus est: Reipublicae Principi, quartum suprema rei maritimae praefectura.

(a) & cardinaliciae purpurae) *Petrus Maurocenus*, insignis jurisconsultus, a Gregorio XII. cardinalicia purpura donatus est. Hujus breviter meminere *Marcus Mantua* in *Epitome illustram virorum, qui vel scripserunt, vel jurisprudentiam publice docuerunt, &c. Patavii, Gratius Perchacinus* excudebat anno 1555. in 8. pag. 54. & *Guidus Pancirollus De claris legum interpretibus, Venetiis, apud Marcum Antonium Brogiolum*, 1637. in 4. pag. 448. Eandem dignitatem in gentem *Maurocenam* intulit deinde *Joannes-Franciscus*, cujus vitam scripsit *Stephanus Cefinus*, id temporis Congregationis Clericorum Regularium e *Somascha* Praepositus Generalis, dein Archiepiscopus *Spalatenis*. Exstat ita inscripta: *Memorie della vita di Gio. Francesco Morosini, Cardinale di S. R. Chiesa, e Vescovo di Brescia. In Venetia, appresso Gio. Battista Catani*, 1676. in 4.

(b) & regale fastigium) dictum intellige de *Thomasina Maurocena* quae *Stephano*, Ungariae principi, nupta *Andream* peperit, cognomento *Venetum*, Ungarorum regem. Vide sis *Sabellii* editionem postremam pag. 245.

(c) praeter Reipublicae Ducem) Haec cum *Crassus* scriberet, uno tantum Principe gens *Cornelia* gloriabatur, *Marco* scilicet, qui anno 1365. Princeps est renunciatus. Deinceps vero anno 1625. *Joannes I.* Dux creatus est; & anno 1659. *Franciscus*, ejus filius. Nunc JOANNES II. *Francisci* nepos, idem fastigium tenet.

(d) quam plurimos etiam tulit purpuratos Ecclesiae patres) Sex e gente *Cornelia* Cardinales recensere poterat *Crassus*: *Marcum* ab *Alexandro VI.* anno 1492. renunciatum; *Franciscum*, a *Clemente VII.* anno 1523. *Andream*, a *Paullo III.* anno 1534. *Aloysium*, a *Julio III.* anno 1550. *Federicum*, a *Sixto V.* anno 1585. & juniorem *Franciscum*, a *Clemente VIII.* anno 1592. Ego duos alios adjicio inferioribus temporibus inter Cardinales cooptatos: *Federicum* juniorem

ab